



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Versvs XII. Ne projicias me à facie tua, & Spiritum sanctum tuum ne
auferas à me.

[urn:nbn:de:hbz:466:1-47773](https://nbn-resolving.de/urn/resolver.pl?urn=urn:nbn:de:hbz:466:1-47773)

IV. Considera, ubinam cuperet David Spiritum rectum, quem petebat. An in actionibus suis externis, ut in mortaliū oculis recte se haberent omnia? Haud sanè, sed *in visceribus meis.* Natura, quæ facit opera vera, & valida, non inchoat illa à partibus extimis, ut facit Ars, quæ plus operæ in his, quam in substantiâ, ponit: Natura ab internis incipit: hinc illa prius radicem producit arboris in folio, & dein ejus truncum. Idem proportione suâ facit Gratia. Ante omnia reparat Spiritum in interno, & subinde in actionibus externis, quæ ab interno progignuntur, emendat inquam illum in loquendo, emendat in videndo, emendat in audiendo, emendat in conversando, sicut hominem spiritualem etiam in his se gerere convenit. Re&tudo Spiritus tui rectitudo Artis est, non Gratiae, si extimâ specie contenta est.

VERSUS XII.

Ne projicias me à facie tua, & Spiritum sanctum tuum ne auferas à me.

I. Considera, firmum illud mutandæ vitæ propositum, de quo versu præcedente actum est, non esse sufficiens ad efficiendum, ut postquam tandem illam Pœnitens mutavit, eandem etiam constanter deinceps prosequatur, nisi illi D E U S suavissimâ suâ protectione assistat. Identidem proinde ad divinam opem poscendam redeundum est. Cor mundum à tam multis sine cessatione objectis oppugnatur, quam multa sunt bona sensilia, quæ ad se illud pelliciendo, aliud non spectant, quam ut ipsum denuo conspurcent. Spiritus verò rectus opponere se constanter debet

debet perversis opinionibus populi innumerabilis, quæ è diametro pugnant cum veritatibus Fidei. Quam multis igitur opus est, ut natura, maximè corrupta, qualis nostra est, invicta resistat ad mortem usque, & tot assaultus frangat? Opus est auxilio DEI præsentissimo, & non consueto, quo adjutus quilibet Justus dicere cum Jeremia possit: *Dominus mecum est tanquam bellator fortis: idcirco qui perse-quentur me cadent, & confundentur. Jer. 20. v. 10.*

David igitur magno suo malo edoctus imbecillitatem suam, hanc benevolam præsentemque ubique DEI opem versu hoc implorat: probè intelligens omnem cordis munditatem, quam re ipsa sit afflicta, omnemque rectitudinem Spiritus, quam minimum valere, nisi illa DEUS potenti suo brachio tueatur.

Tu interim ad profectum tuum perpende, quæ debeat esse prima cura ac solicitude verè Pœnitentis: Perseverantia. *Justificationem meam, quam cœpi tenere, non deseram. Job. 27. v. 6.* Quatuorquinque demum rerum subeunda sit jaætura, amittendæ opes, amittenda æstimatio, amittendi amici, amittenda quin ipsa millies vita, amittantur sanè, moriar ego priùs, quam unquam posthac lethalem noxam conciscam; moriar priùs, moriar: *Donec deficiam, non recedam ab innocentia mea. Job. 27. v. 5.*

Hinc, si rectè advertis, David et si audiret magna sibi mala pœnásque intentari pro atrocibus suis delictis, et si jam veniâ donatis, non rogat DEUM, ut vel unâ ea unâ aliquâ in se non animadvertis; non ut Sceptrum sibi in tutto sit, non ut æstimatio detrimenti nil patiatur, non ut ærario sit consultum, non ut perduellium, non subditorum modò, sed & filiorum, consilia ac machinationes sufflaminentur: quod rogat, hoc unum est, ne denuo tam fœdè cadere se finat,

se sinat, & tam perfidè prævaricari. *Ne projicias me à facie tua, & spiritum sanctum tuum ne auferas à me.* Hoc sincerè ad DEUM conversionis, siquod aliud, argumentum est luculentum: præ omni alio malo timere denuo relabi. An & tu specimen ejusmodi conversionis præbes? Memento, si te tuásque vires spectas, cadere te quidem, stare autem erectum non posse: *Qui se existimat stare, videat ne cadat,* 1. Cor. v. 10. Non inquit, qui stat, sed qui se existimat stare: re ipsâ enim quis tam firmum fixit pedem, ut non vacillet?

II. Considera, Pœnitentem Regem, dum rogare DEUM vult, ne denuo ipsum labi permittat, formulâ loquendi uti, quæ non parum indecori habere videatur, dum dixit: *Ne projicias me à facie tua.* Quomodo aliter loqui potuisset, si peteret, ne æternum damnetur? Aliud est, quod DEUS faciem suam ad aliquo avertat, aliud, quod à facie suâ illum projiciat. Avertit ab aliquo faciem, quando subtrahit speciali suâ protectione sinit, ut suammet experiatur fragilitatem, cadendo in peccatum; & tum cadendo, quando vel maximè firmo pede stare sibi videbatur, ut S. Petro accidit: *Ego dixi in abundantia mea: non movebor in æternum.* At ecce. *Avertisisti faciem tuam à me, & factus sum conturbatus.* Psal. 29. v. 9. Projicir à facie sua, quando non tantum sinit, ut peccet, sed ut etiam in peccato pereat, ut olim periit Saul. *Usquequà tu luges Saul, cum ego projectem eum?* 1. Reg. 16. v. 1. Cur igitur David non hîc quoque, ut quondam, satis habuit sic DEUM alloqui: *Ne avertas faciem tuam à me?* hæc enim est præ ceteris aperta forma, quâ Reprobatio æterna indicetur. *Argentum reprobum vocate eos; quia Dominus projectit illos.* Jer. 6. v. 30.

Non

Non abs re videtur dubitatio: sed en, unde illa nascatur: ex eo scilicet, quod nemo satis capere velit, quod aliud fit, peccare primò; aliud, peccare denuo. Peccare primò, certò quidem provocat DEUM ad iracundiam; sed peccare iterum (maximè post obtentam jam prioris delicti veniam) non jam ad iracundiam, sed ad furorem provocat; tanta est ejusmodi facinoris fœditas, tam ingratus animus! Et idcirco vide, quid confessim mereatur, qui relabitur: meretur, ne amplius illum DEUS juvet ad resurgentum: *Israël cecidit, & non adjiciet ut resurgat. Amos 5. 1.* Non quod illi DEUS eam quoque neget gratiam, quæ ex se sufficiat ad resurgentum; sed quia illi non donat efficacem. Ejusmodi gratiam timet David, ne mox ab iterato lapsu neget DEUS: hinc noli mirari, si ita DEUM alloquitur: *ne projicias me à facie tua, & spiritum sanctum tuum ne auferas à me.* Ecquod enim malum est, quo non sit dignus Canis, qui redit ad vomitum?

Considera, duplex esse favorum planè singularium III. genus, quod DEUS caris suis impertiri consueverit. Unum est, defigere quodammmodo in ipsis sollicitum oculum, & amovere à via, per quam incedunt, omnes lapides, in quos possent impingere, & quales ceteroquin identidem se offendunt in hac peregrinatione mortali; juxta illud, quod Moysi jam olim dixit DEUS: *Facies mea precedet te. Ex. 33. v. 14.* Quod idem est ac proprio idiomate, præservare ab occasionibus admittendi mali. Alterum est, faciliorem semper illis reddere executionem boi, mediis internis illustrationibus, & inspirationibus, quæ sunt opera Spiritus sancti, qui id agit unicè, ut semper plus lucis accendat in animis Justorum, iisque flammis excitet fervorem, quibus providet magnâ suâ voluntare assensurum hominem.

K

minem."

minem. Duplex hoc favorum genus, sunt partes præcipiæ illius Gratiae, quæ Efficax vocatur, & ideo vocatur, quia facit ut accipiens faciat, etsi pleno semper arbitrio, & nequaquam coactus. *Faciam ut in præceptis meis ambuletis.* Ezech. 36. v. 27. Atque hi sunt favores, quos DEUS negat illis, quos projicit à facie sua. Primo, non id agit amplius, ut removeat ab iis occasiones labendi periculosa; quin permittit, ut identidem in eas incurvant, in iisque proruant. Hoc metuens David clamat: *Ne projicias me à facie tua.* Subinde autem DEUS ne isto quidem contentus, facit ut Spiritus Sanctus magis semper magisque subtrahat illis sanctas suas inspirationes, non quod eas plane penitusque subtrahat, sed ut non tam vivas & opportunas subministret. Et hoc non minus metuens, David, sic porro DEUM orat: *Et Spiritum Sanctum tuum ne auferas à me.* Et verò ut dicamus quod res est; si DEUS potest facere, ut quis mox à peccato admisso inopinatò moriatur, aut redigatur ad insaniam, sique ineptus fiat ad resurgentum, cur non facere idem possit, ut negentur deinceps illi auxilia abundantia, & magis exquisita, sine quibus nunquam à casu resurgat? Nulli unquam debet DEUS hoc genus auxiliorum, quantacunque ille sit vitæ sanctimoniam, tam illa omni merito superiora sunt. Quanto minus igitur erit obligatus ad illa conferenda alicui Peccatori, & Peccatori ingratissimo, inhumanissimo, qui etiam post veniam acceptam denuo perduellionis contra tam tremendam Majestatem crimine se obstrinxit? Projicit à se DEUM peccator tam impudenter: *Projicit Israel bonum.* Os. 8. v. 3. Projiciatur igitur & ipse à DEO per omnem æternitatem. *Projetque Dominus omne semen Israël,* & afflixit eos, donec projiceret eos à facie sua. 4. Reg. 17. v. 20. Atque hoc

hoc tantopere formidavit David cùm dixit: *Ne projicias me à facie tua, & Spiritum Sanctum tuum ne auferas à me.* Et tu non times? Argumento id est, te non capere atrocitatem facinoris, quod admittitur ab homine vili dum peccat, multoque magis dum obtentâ jam veniâ denuo peccat. Innocens in petendo à D E O dono Perseverantiae, majori aliqua ratione dicere D E O potest: *Ne avertas faciem tuam à me.* At Pœnitens, si sapit, dicat oportet: *Ne projicias me à facie tua.*

Considera, multos peccare quotidie, imò denuo peccare quotidie post obtentam veniam, & veniam etiam iteratam: & tamen surgere toties, quoties ceciderunt; sic ut tandem Sacris procurati Mysteriis suis in lectis moriantur non sine sati manifestis salutis obtentæ indicis. Quid igitur fuit, cur tantopere David post primum suum relapsum metueret reprobationem finalem: aut cur eam quicunque alius tantopere metuat? Cur metuat? Quia judicia D E I sunt inscrutabilia: *Judicia D E I abyssus multa.* Psal. 35. v. 7. An affirmare tu potes, quòd D E U S non præfixerit cuilibet numerum illarum noxarum, quas in eo vult ferre cum patientia, & earum, quas non vult ferre? De hoc sanè ambigi non potest: nec enim D E U S quidquam casu & temere facit. Unde igitur tu nōsti, quòd D E U S etiam pati velit se offendì à te toties, quoties illum offendit hic aut ille? *Miserebor cui volvero.* Sic ille locutus est Ex. 33. v. 19. Neque quidquam certi hac de re cuiquam constare voluit. Manasses fatigavit, si ita loqui licet, Misericordiam divinam: tam multa ille, alia ex aliis, gravissima flagitia ad misit. Et tamen denique sic illum admissorum pœnituit, ut salutem consequeretur. Saul primo peccato admisso reprobatus fuit. Quid igitur tu sis, quid te futurum sit,

IV.

K 2
si es-

si cecideris denuo? Fortassis numerus tuus completus est; sic ut DEUS hodie dicere ad te possit, quod olim ad Hierusalem. *Completa est iniquitas tua, Filia Sion.* Thr. 4. Et si ita fuerit, quid tibi denuo peccanti superest, nisi ut à peccato in peccatum proruas, haud secus ac fecit iniqua illa & infelix Gens? *Qui in fôrdibus est, fôrdescat adhuc.* Apoc. 22, v. 11. Unde tam ad rem appositè pronuntiavit Ecclesiasticus: *de propitiatio peccato, noli esse sine metu.* Etsi enim deveniā admissæ illius noxæ certus essem, scire tamen non potes, an non illa ipsa noxa postrema sit, cuius tibi gratiam facturus sit DEUS. Nemini hoc, nisi uni DEO, constat: & idcirco hoc ipsum quodammodo innuens Ecclesiasticus statim addidit: *Neque adiicias peccatum super peccatum.* Eccl. 5. v. 5. Tanta est temeritas non advertentis animum ad periculum, cui se exponit, qui sic peccat, perveniendi scilicet ad barathrum illud tam profundum impenitentia, ex quo non evaditur. *Lapsa est in lacum vita mea; & posuerunt Lapidem super me.* Thr. 3. v. 53. Non caretibis, ne penitus pereas, auxiliis necessariis; do hoc tibi: quid autem inde tibi commodi, si tu hæc ipsa auxilia, ut ut de se sufficientia, non acceptabis, nec iis uteris? Ne igitur ad id attendas, quid re ipsa nonnunquam accidat quibusdam pluries relapsis in peccatum, quos tu videris Christiano ritu ac more cum salutis spe hinc migrantes: sapientis non est arguere ab his exemplis fortunam similem; tu ad id averte animum, quod res ipsa secum fert. Solet autem frequens in peccata relapsus negotium salutis naturâ suâ facere deterius. *Ecce sanus factus es: jam noli peccare, ne deterius tibi aliquid contingat.* Job. 5. v. 14. Tum quia homo semper evadit imbecillior, tum quia malus Dæmon semper insolentior; DEUS autem semper turpius prodicatur.

tus. Unde etiam si, ut multi sic relabentium, et si surge-re videntur identidem, revera tamen non surgunt: surgunt ut mortui ad vitam revocati à Magis & Præstigiatoribus, oculorum ludibrio: advertere enim sicut, quod post vitam ita recuperatam nunquam ferant fructus seriae pœnitentiæ; non sunt quām antea cautores; non præferunt ulla ani-mi dolentis signa; non utuntur ullis mediis, quæ DEUS ad perseverandum in gratia constituit, atque ita mox ite-rum ejus jacturam faciunt. *Peccator adiicit ad peccandum.*
Eccles. 3. v. 29.

Considera, quid igitur vero Pœnitenti juxta rectam rationem observandum? illud scilicet, quod Rex David observavit: Existimare, quod relabi respectu ipsius idem sit futurum, ac æternū damnari, et si aliis tam sinistra fors non obtingat. Fieri potest, ut nec ipso tam perniciabiis casus sit: sed quid si esset? Pro quantâ de re agitur, dum agitur de eo, an quis æternū à DEO sit abficien-dus! Audi quæ fors futura sit sic projectorum: *Pœ-nas dabunt in interitu æternas à facie Domini.* 2. *Theff. 1. v. 9.* David tamen, animo præditus verè regio, nullius alterius pœnae ex ipsis rationem habuit, quantumcunque atrocis ac formidandæ, non rotarum, non ferri, non ignis, non tenebrarum, non Draconum, non Dæmonum fadi-simorum, sed ejus tantum, quā procul erat futurus à facie DEI. *Ne projicias me à facie tua.* Hoc enimverò, hoc est, non servi instar, sed filij se gerere; cùm procul ab ali-is paternis in exilium abeundum est: non meminisse ege-statis, quam toleraturus est, non incommodorum, non casuum adversorum, non derelictionis; sed solum istud revocare in animum; quod caren-dum sit Prentre.

K 3

VER-

V.